

Na osnovu članova 99. stav (2) tačka b), 104. stav (2) i 107. Zakona o fiskalnim sistemima („Službeni glasnik Brčko distrikta BiH”, broj: 22/16, 48/18 i 40/20) i člana 12. Zakona o Direkciji za finansije Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 19/07, 35/17, 03/19 i 34/19) uz saglasnost Vlade Brčko distrikta Bosne i Hercegovine broj predmeta: 02-000321/21, broj akta: 01.11-0377MB-002/21 od 8. 11. 2021. godine uz prethodno pribavljeno mišljenje Komisije za fiskalizaciju broj: 02-04.1-1062/21 od 25. 10. 2021. godine, direktor Direkcije za finansije Brčko distrikta Bosne i Hercegovine d o n o s i

**PRAVILNIK  
O DOPUNAMA PRAVILNIKA  
O IZGLEDU I SADRŽAJU ZAHTJEVA, OBRAZACA, OBAVJEŠTENJA I OSTALIH  
PRATEĆIH DOKUMENATA UZ FISKALNE SISTEME**

**Član 1.**

U Pravilniku o izgledu i sadržaju zahtjeva, obrazaca, obavještenja i ostalih pratećih dokumenata uz fiskalne sisteme („Službeni glasnik Brčko distrikta BiH”, broj 53/18) iza člana 27. dodaju se novi članovi 27a., 27b., 27c., 27d. i 27e. koji glase:

**„Član 27a.**

**(Izvršavanje mjere zabrane obavljanja djelatnosti)**

- (1) Mjera zabrane obavljanja djelatnosti izvršava se nakon pravosnažnosti prekršajnog naloga, odnosno rješenja nadležnog suda, pečaćenjem prostorije, odnosno objekta službenim pečatom Porezne uprave i vidno označava službenom trakom.
- (2) Predmet pečaćenja su prostorije i objekti u kojima porezni obveznik obavlja registrovanu ili neregistrovanu djelatnost.
- (3) Izgled i sadržaj službenog pečata iz stava (1) ovog člana propisan je u Aneksu XVIII koji je sastavni dio ovog pravilnika.

**Član 27b.**

**(Način provođenja pečaćenja)**

- (1) Pečaćenje se vrši na način da se poreznom obvezniku naloži da isprazni prostoriju, odnosno objekat koji se pečati od robe i predmeta koji bi se za vrijeme privremene obustave poslovanja mogli pokvariti, kao i da preduzme i obezbijedi sve sigurnosne mjere u prostoriji i objektu na sredstvima rada da ne bi došlo do nastanka štete.
- (2) U slučaju da porezni obveznik nije vlasnik poslovnih prostorija, odnosno objekta koji se pečati, akt kojim se izriče mjera zabrane obavljanja djelatnosti dostavlja se i vlasniku prostorije, odnosno objekta.
- (3) Ukoliko porezni obveznik ne postupi u skladu sa stavom (1) ovog člana, Porezna uprava ne snosi odgovornost za štetu nastalu u prostoriji i objektu koji je predmet pečaćenja.

**Član 27c.**  
**(Postupak pečaćenja)**

- (1) Prostorija, odnosno objekat koji se pečati zaključava se i nakon toga se označava službenim pečatom i službenom trakom.
- (2) Pečaćenje, odnosno označavanje izvršenja mjere zabrane obavljanja djelatnosti vrši se postavljanjem na vrata prostorije, odnosno objekta službenog znaka na koji se utiskuje otisak službenog pečata u pečatnom vosku i postavlja službena traka.
- (3) Službena traka je izrađena na plastičnoj podlozi na kojoj je odštampan tekst „Brčko distrikt BiH, Porezna uprava“.

**Član 27d.**  
**(Postupanje u slučaju privremenog otvaranja)**

- (1) U slučaju da je iz opravdanih razloga, kao što je kvar na instalacijama, sprečavanje nastanka štete i slično, nakon pečaćenja potrebno nakratko otpečatiti poslovni prostor ili objekat, dok mjera zabrane obavljanja djelatnosti traje, inspektor Porezne uprave po zaprimljenom zahtjevu poreznog obveznika ili njegovog zastupnika dozvoljava privremeno skidanje pečata odmah, a najkasnije u roku od tri dana od dana prijema zahtjeva.
- (2) Novo pečaćenje vrši inspektor koji vodi postupak, a u njegovom odsustvu ili spriječenosti drugi inspektor Porezne uprave uz obavezno sačinjavanje zapisnika o izvršenim radnjama.

**Član 27e.**  
**(Trajanje mjere zabrane obavljanja djelatnosti i prestanak mjere zabrane obavljanja djelatnosti)**

- (1) Mjera zabrane obavljanja djelatnosti u prostoriji, odnosno objektu, koja se provodi pečaćenjem traje 20 dana.
- (2) Protekom roka iz stava (1) ovog člana inspektor Porezne uprave po službenoj dužnosti, bez odlaganja, a najkasnije u roku od tri dana vrši otpečaćivanje prostorije, odnosno objekta.“

**Član 2.**

U članu 29. stav (1) iza tačke q) dodaje se nova tačka r) koja glasi:  
„r) Izgled i sadržaj službenog pečata (ANEKS XVIII).”

**Član 3.**  
**(Stupanje na snagu)**

Ovaj pravilnik stupa na snagu osmog dana od dana objavljivanja u „Službenom glasniku Brčko distrikta Bosne i Hercegovine“.

Broj: 02-04.1-940/21  
Brčko, 8. 11. 2021. godine

**Direktor**  
Mato Lučić, dipl. oec.